

**KUMPUNAN**  
RAM LEH HNAM  
HUMHALH

# YMA AW



CHANMARI WEST BRANCH YMA CHANCHINBU KARTIN CHHUAK. VOL. XXIV. ISSUE NO. 34 25<sup>th</sup> August 2013

## Rangvamual-ah Branch YMA hnatlang neih a ni

### Branch News

Chanmari West, 25<sup>th</sup> August, 2013 : Central YMA -in Rangvamuala Aizawl City Branch-te a inchhawka Duty tura ruahmanna a siam angin ni 21.8.2013 (Nilai) khan Chanmari West Branch YMA-te Kumpulan Duty-a hnatlang neih a ni a, member 27 thawh chhuah a ni.

Hnatlang turte hi Pu Lalrinliana Branch Fin.Secretary-te kawtah innghakkhawmin, dar 10:30-ah Rangvamual Duty Hall thlen thlak a ni. Rangvamual JAC leh Excise Department te nen Joint Operation hi neih a ni a, Group 5-ah inthen a ni, ramhnuai lui leh khaw chhungahte beihpui thlak a ni. Heng mite hi hnatlanga thawk chhuakte chu an ni.

- 1.Pu K Darthantluanga Vice Pre
- 2.Pu R.Lalmachhuana Treasurer
- 3.Tv Zairemmawia Secretary
- 4.Pu.R.Lalmalsawma Exe.Mem
- 5.Pu Zonunsanga Exe.Mem
- 6.Pu H.Vanlalvena Exe.Mem
- 7.Pu Lalthanruma Exe.Mem
- 8.Pu JK Zosangliana (CH)
- 9.Pu R.Lalhmingthanga (CH)
- 10.Tv.Vanlalnghaka (CH)
- 11.Tv Lalhmingmawia (CH)
- 12.Pu Kawramvela (CH)
- 13.Pu EVL Hruaitluanga (N)
- 14.Pu Ricky Lallawmkima (N)
- 15.Pu PC Lalremkima (V)

- 16.Pu James D.Chhangte (V)
- 17.Pu Lalliansanga (K)
- 18.Pu Lalremruata Pachuau (K)
- 19.Pu Lalsangzuala (K)
- 20.Pu TC Lalthangliana (K)
- 21.Pu H.Vanlalsanga (K)
- 22.Pu Michael MS Dawngzela (K)
- 23.Pu Lalrosanga (K)
- 24.Tv Lalrinhluna (K)
- 25.Tv Laltharliana (K)
- 26.Pu Lalthara (T)
- 27.Tv Lalbiaksanga (T)

Hnatlangte thil man leh tihchhiat chu hetiang hi a ni.

- 1 Factory zem - 9
  - 2 Bel - 9
  - 3 Plastic Gallon 10 litre- 15
  - 4 Thingrem - 1
  - 5 Ganja - 5kg
- leh a chanve, ₹ 25,000 man hu

Hnatlang zawng zawngte hian chhunah sawhchiar tui tak an ei ho va, tlai dar 5:00-ah hnatlang hi tin a ni. Branch YMA chuan hnatlanga thawk chhuak zawng zawngte chungah lawmthu a sawi.



- ☀ Ni 20.8.2013 (Thawhleh) zan khan Branch Executive Meeting neih a ni.
- ☀ Ni 22.8.2013 (Ninga) zana Local Council-in veng chhung NGO hruaitute Joint Meeting a kohah Branch OB te an tel.

- ☀ 11<sup>th</sup> Chief Ministers Running Trophy Mizo hnam lam intihsiak September ni 5 & 6-a neih tur atan ngawrh takin Indoor Stadium-ah lam zir thin ni a, lam zirte ei tur leina tur ₹ 1000/ petu PuRK Rozidinga Branch Executive Member chungah Branch YMA-in lawmthu a sawi.

- ☀ Branch Fin. Secretary Pu Lalrinliana Guwahati-a zin leh Executive Member Pu VL Thakima Saiha-a zinte dam taka an lo haw leh thuai an duh.

- ☀ 68<sup>th</sup> YMA General Conference - 2013 Khawbunga neih tura Central YMA OB thlanna neih turah Branch Treasurer Pu R Lalmachhuana Nomination atan theh luh a ni.

- ☀ YMA General Conference October ni 15-17 chhunga khawbunga neih turah kan Branch atangin Zaipawl leh Lemchan nei tura CYMA-ah inhriattir a ni

### AWM THAR

- 1. Zohmingthangi te chung member 4, Bungkawng atangin Pu K Sangkhuma (L) te in CH-Sect-ah.
- 2. Lalmangaihzuale te chung member 4, Champhai Venglai atangin Pu Zosangliana in CH-Sect-ah.
- 3. Lalrosanga te chung member 7, Republic atangin anmahni in thlanmual peng Edenthar Road, N-Sect-ah.
- 4. Lalbiakkimi te chung member 4, Chaltlang North atangin Pu Lalnghengpuia in N-Sect-ah



### TUNKAR CHANGVAWN

Engpawh ni sela, kan thlen chin atang khan hma i sawn zel ang u.

Phil 3:16

**Editorial Board**

<b>Editor:</b>	R Lalringheta	9862358337
<b>Joint Editor :</b>	Lalchhandama	9862358347
	J Lalnangliana	9862399658
<b>News Editor :</b>	Thangkhumma	9862303135
	Lalchhuanmawia	9862580558
	K Lalremtuanga	9862119608
<b>Cir. Manager :</b>	Jacob Lalrinsanga	9612319779
<b>Production Manager :</b>	RL Thanhmuna	9436152760

**Branch Office Bearer**

<b>President</b>	<i>C Lalarliana</i>	9436142049
<b>Vice President</b>	<i>K Darthantluanga</i>	9436196071
<b>Secretary</b>	<i>Zairemmawia</i>	9862385654
<b>Asst. Secretary</b>	<i>RL Thanhmuna</i>	9436152760
<b>Treasurer</b>	<i>R. Lalhmachhuana</i>	9436151817
<b>Fin. Secretary</b>	<i>Lalrinliana</i>	9862581814
<b>Adviser-te :</b>	<i>Pu F Zosanga</i>	9436142106
	<i>Pu A Biaklawma</i>	9436363169
	<i>Pu Lalrengpuia Sailo</i>	9862075614

**Editorial :**

“YMA changrel a sual ngai lo” an lo ti thin. Zofate Hmasawna tur ngaihtuah tura din, he pawl ropui tak mai hian sel a hlawh fo ta mai. He pawl kalphung hi a fuh ta lo ni lo vin, a kaihrutute hian ke chheh fuh loh chang an nei a ni zawk lo maw? Ertute selna a ring tulh tulh ta mai.

Hmasawna tur nia kan hriat, chak tak leh khawng taka kan kalpui hian kawng lehlamah harsatna min thlen ve fo. Hydel project hian kan ram mamawh ngawih ngawih kawlpheha min pe tih mi tam zawkin kan hriat rual hian kan ram thing leh mau leh nungcha engemawzat chu a ti chereu a ni tih hrethiam phak chu mi tlemte chauh an ni leh si.

Thil tha lo nia kan hriat, eng thil pawh hi tih tawp emaw, siam that kan duh chuan a thlakna tur thil tha zawk kan duan fel hmasak a pawimawh khawp mai.

Kan ramah YMA hmalaknain nasa takin mipui a thunun a, Sorkar a khalh ngil fo bawh. Khawi ram pawh Sorkar chak lohna apiangah NGO te hnathawh a langsar a, an thawm a ring mai zel niin a hriat.

Mizote hi a huhova thil nawr huai tak leh phur chi kan ni a, kan dai bawrh bawrh a, kan pal baw pheng phung fo mai. Hei hian kan Hnam hi a hmai a tibal a, a tihmualpho zawk chang a awm fo. Ngaihtuahna fim tak kan hmang peih lo va, mi sah en saah Chiang mang lovin kan kal a, kan inpal hnawh leh si thin a ang khawp mai. Chuvangin fimkhur tak leh Kristian rilru pu chung zelin i tlawmngai zel ang u.

**Article**

Tawng hi Pathian thilthlawnpek hringfate'n kan dawn a ni a. Keini Zofate, hnam tlemtein, a hranpa ngata mahni hnam pual lawng, Mizo lawng kan nei ve hi vanneithlak tak a ni.

Hnam ziarang (culture) zinga pakhat chu lawng hi a ni. Culture chu nghet churh leh mawngrit tak a ni lo va, hun leh khawvel insiksawi danglam ang zela inher rem ve zel a ni zawk. Chuvang chuan hmanlai kan Mizo pi leh pute lawngkauchheh len tunlai huna kan lawngkam hman chu a inang lo thei viau ang. Kan hmuh ve phak maiah pawh Bible lehlin hmasaka Mizo lawng hman chu tunlai mite chuan kan hrethiam hlei thei lova, kan nuihte a za lek lek mai a nih hi. Vawiina kan lawng hman mek pawh hi nakin kum 100 lo kal leh tura \hangtharte huan hriatthiam harsa an ti mai ang tih hlauhawm tak a ni.

Nakin huna la danglam zel thei a nih avang ringawt hian kan lawng hi kan thlahthlam tur a ni lova, a hunlaia hmangtu apiangte hian kan humhalhin kan tihmasawn tur a ni. Mizo lawng thiam nih hi Mizote tan chuan hmasawna a ni a, Mizo hnahtlakte min suihkhawmtu leh min tizahawmtu a ni bawh.

Tumah hian kan lawng hi kan hmang dik famkim thei lo tih hre mah ila, vantlang pawm theih, Mizo lawng tluangtlam pangngai tal hi chu hmang thei ila a duhawm hle mai. Tunlai khawvela Information & Technology sang zel hian nasa takin kan lawng hi a run a, a ei chhe mek a ni tih hi kan hriat a \ha khawp mai. Facebook, Chat leh Cellphone-a kan inbiakna leh thu ziate han chhiar hi chuan lung a tichhe thei hial awm e. Punctuation, ziate zawm leh zawm lohte hman dik chu hla tak a ni; a hawrawp pum hian kan thlak hlawk mai a nih tak hi.

Mizo lawng hi fir tak leh dik takin hmang thei ila, \hang leh tharte tan rohlu kan hnutchhiah zawk dawn a lo ni. Kan

lawng hian thui takin kan culture a pho lang thei a, culture kan mutthluksan rual hian zawi muangin kan lawng hi a boral ve zel a ni.

Kan tawng hi a hause hran lo va, thumal pangngai, awmze hrang hrang neia hman kan ngah em em a, chuvang tak chuan kan hman dik a ngai leh zual awm e. “Ka hmai ka phih bawrh bawrh lai chuan kan kawmthlangnu chuan vawh chaw atan an huan dawl chu a lo phih ve mek a, an fanu lah chuan a nau mipa khawlai leng chu hruai haw tumin a lo phih ve lawp lawp bawh nen. Kan Hotupa lah chuan a eiruk nasat lutuk hmai phih nan Branch YMA hnenah bungrua a lo pe ve hmiah mai bawh a” Phih theuh theuh a tum ava inang lo hlawn tak em!

Kan lawng dik tak hi kan hlut viau rualin a \angkai zawnga kan siamrem thiam erawh a ngai ve tho mai. A awmzia tilang Chiang zawk tura siam \hat kan hreh loh a ngai; chu chu lawng tihausa tura hmasawna kawng khat a ni thei ngei ang. American English chuan khawvel a luah khat tawh a, British English tidanglam hret hret leh a lam nuam zawk te, a ziah awlsam zawktein an her rem a, chu chuan mi rilru a hneh a, hman nuam an tih avangin a darh zau zawk ta mah a nih hi.

Tuna pawimawh ta chu - Mizo lawng humhalh tur hian Language Commission emaw kan neih a ngai. MZU-a Mizo Dept hi chu a zirna hmun a ni mai a, campus pawn lamah thuneihna an nei hran lo. Commission kan din theih hma hian School leh College-a thuneitute hian zirlaite hnenah Mizo lawng dik lo hmang lo turin thupek khauh tak pe se la, exam paper endikna lamah uluk leh zual se, zirlaite an harh chhuah ngei a beiseiawm tlat a ni. Tichuan kan lawng hlu tak hi India Constitution 8th Schedule-a dah a nih hunah pawh Mizo lawng mawi leh dik tak kan neih theih phah dawn nia.

Mangheta Ralte

**Chawngbawla Section**

☐ Kawipui zun in siam pawh zawh fel a ni ta a, hun remchang hmasa berah hawn an tum.

☐ An Asst. Leader-te chhung chhiat an tawh avangin an tawrhpu hle.

☐ Section huam chhungah Ui leh ar khuahkhirh zel turin an inngen.

☐ YMA member te chhiat tawk an awmin tan la sauh sauh turin an inngen.

**Khuangchera Section**

☐ H/No. plate zawrh chhuah mek zel a ni a, a pawimawhna hriaa lo khulsak zel turin an inngen.

☐ Fur lai a ni a, ruahtui tlak tam avanga chhiatna laka kan him tlan nan chhungtinte tuichhe paih kawngah fimkhur turin an inhriattir.

☐ Ni 28.8.2013 (Nilai) hian Hnam lam intihsiaka lam zirte ropui taka chaw eipui tum a ni a. Lam zir zawng zawngte lo inring lawk turin an inhriattir.

☐ Phunchawng leh Rangvamuual a Branch hnatlang neih thinah Section atanga thahnemngai taka thawk chhuak thinte chungah lawmthu an sawi.

**Neuva Section**

☐ Wawin tlai hian hruaitute duty tur a ni a, tlai dar 3-ah Pasaltha Neuva Inah inngahkhawm tur a ni.

☐ An hruaitu Pu HVL Zasanga, Aizawl Hospital a awm mek chu a dam leh thuai an duhsak hle.

☐ An member Tv. David Lalzamlowa S/o R Lalhmingliana chu Muaithai National Championship, Hyderabad-a neih tura khel turin thlan a ni a, an lawmpuiin hlawhtlinna a chan theih nan duhsakna an hlan.

☐ Chhung tinte mahni in leh a vel vawngfai turin an inchah.

**Taitesena Section**

☐ Hun remchang hmasa berah Committee neih tum a ni a, hruaitute an inhriattir lawk.

☐ Silver Jubilee Fund khawn chhoh mek a ni a, khawntute an khawn chhuah ang ang Branch Asst. Secretary Pu R.L Thanhnuuna hnena thehltut zel turin an inhriattir.

☐ Section bungrua pawh mi inphalte vangin tih changtlun mek a ni a, bungraw thar petute chungah lawmthu an sawi.

☐ Member-te activities hrang hrangah thahnemngai thar leh turin an inchah nawn leh.

**Vanapa Section**

☐ Tunkar thawhleleh zan (ni 27.8.2013) hian Section committee neih tum a ni.

☐ Section Leader Pu VL Thakima, Dept. duty-a Saiha lama zin pawh dam takin a lo haw leh ta.

☐ Chhungtinte House No. kawngka lu chungah tar theuh turin an inhriattir.

☐ Secton bungraw hawh duh chuan In-charge Pu C Vanlalsanga leh Tv Vanlalhriata te hriatpuina chauhin a hawh chhuah theih tih an inhriattir a, tin, fai tha taka dah leh thin turin an inhriattir.

☐ Chhungtina Jubilee Fund khaw mek chu tlawmngaia lo pe theuh turin an inngen.

☐ Lam zir tura sawmna dawngte tlawmngaia taima taka lam zir thin turin an inhriattir.

☐ Section chhung remchang laiah Waiting Shed siam tura hma lak mek a ni.

**LOCAL COUNCIL**

Ni 22.8.2013 (Ninga) zan khan Local Council kaihhruiin veng chhunga NGO (YMA, MUP, MHIP, Sporting Club leh Political Party) te joint meeting neih a ni a, thurel tlangpui, mipuite hriat tur pawimawh zual te:

1 Aizawl Municipal Council-in veng chhung kawng pawimawhte hming phuah tura a hriattir angin veng chhung kawng pawimawhte hetiang hian hming phuah a ni.

a) Pu Dawngkima in atanga Pu Zathanga in inkar (K-sect) chu LUNGHLU ROAD phuah a ni.

b) Company peng atanga Channmari West luh pheina kawngpui atanga Salvation Army Biak In thlenga kawng kal phei chu YMA Z A W L B U K - I ROAD phuah a ni.

c) Salvation Biak In atanga kawngpui kal phei zel, National Highway No 54 a zuk pawhna thleng kawng chu YMA ZAWLBUK-II ROAD tih a ni.

d) Pu Dengthanga in atanga kawng chhuk thla, National Highway No 54 zuk pawh thla kawng chu NEUVA ROAD tih a ni.

e) Anganwadi Centre Building,

Vanapa Section atanga kawng kal thla, National Highway No 54 thleng kawng chu MUP ROAD tih a ni.

f) Pu Darrochhunga (L) in atanga kawng kal phei Pu Lalrinthanga (L) in thleng kawng chu Pu CHUNGA ROAD phuah a ni.

g) Pu Lianzuala kawmthlang kawng kal phei, Upa H Lalrawna in thleng kawng chu PARK STREET phuah a ni.

2 Chanmari West veng chhunga Thirchhe hralhna dawr awmte hian rukruk leh sualna a tipung nia hriat a ni a, Chanmari West veng chhungah heng Thirchhe hralhna dawrte hi tih tawp a nih theih nan Thirchhe hralhna dawr luahtirtute hnenah thla khat chhung hun pea an dawrte thirchhe hralhna dawr atana luahtir tawh lo tura ngenna leh hriattirna pek tur a ni.

3 Chanmari West veng chhunga lirthei (motor) neitute lirthei dahna in (garage) nei lova kawngpui sira lirthei dahtu zawng z a w n g t e hnenah Parking fee khawn remtih a ni a, Parking Fee khawn turin Local Council ruat an ni.

4 Chanmari West FC-in Mizoram Premier League (MPL) an khel phak chu Joint meeting chuan a lawmpui hle a. MPL khelhi hi a hautak a, veng chhung tanrua a ngai hle mai a, MPL khelhna tura inbuatsaihna atan, veng chhungah Sporting Club te'n Vehbur an khawn mek chu chhungtin te'n theih tawpa lo jawiawm tur leh sum leh paia lo tanpui turin Joint meeting chuan veng mipuite a ngen tak meuh a ni.

5 Veng chhung hmasawna hna thawk turte'n a hmaa veng chhunga Step leh Kawng awmsate Local Council hriatpuina lo chuan tihchhiat, laksawn leh tihral khap tlat a ni.

**RUANG CHHUAK**

Pu Mark Lalrintluanga kum 40 s/o Pu R.Thanga T-Sect. chu ni21.8.2013 dar 6:45 khan a borala, kuang siamsak a nih hnuin an khua Chawngtlaiah phurh chhoh a ni.

**KEIMAHNI**

☐ Min jawiawm fotu Tv Lawma chuan a piancham veng dangah min lawmsan a, kan reh ruih mai.

☐ Kar lehah chuan Editor-te inah YMA AW chhut tum a ni.

**CENTRAL YMA SPORT**

Central YMA-in Sepaktakraw Game leh Arm Wrestling Championship September ni 3-aṅanga Mipa leh Hmeichhe tana a buatsaih tura tel duhte chuan August ni 29 thleng Branch Secretary hnenah hming pek luh tur a ni. Arm Wrestling bika tel turte chu a ṭul dan a zirin Pi Juliet Lalengkimi (Vanapa Sect) chuan a practise pui thei ṭhin dawn a, veng chhung mi, a tam thei ang ber, Weight category hrang hranga tel thei tura inbuatsaih tur a ni e. Hrechiang duh chuan Branch YMA Secretary Tv Zairemmawia hnenah zawh fiah theih a ni.

- 1 Robert Lalhmangaih zuala te chhung member 5, Pu Lalrinmuana in K-Sect. aṅangin Sakawrtuichhun-ah.
- 2 Malsawmkimi te chhung member 3, Pu Vanthanga (L) in T-Sect. aṅangin Hunthar vengah.
- 3 Lalnunmawia te chhung member 7, Pu Lalbiaksiama in T-Sect. aṅangin Govt. Complex ah.
- 4 HP Lalchawiliana te chhung member 5, Pu Lalbiaksiama in T-Sect. aṅangin Govt. Complex ah.

**INENTIRNA LEH THISEN, ZUN ETC. EXAMNA.**

Chanmari West leh Chanmari inrina lai Pu Zakunga Building Opposite-ah MEDICINE DOCTOR thiam tak zing dar 10:00 aṅanga ṭlai dar 4:00 thleng inentir theih a ni ta e.

Thisen, Zun leh Ek engtiklai pawhin kan exam thei baw e.

Teens for Aizawl Pharmacy Chanmari.

Opp. Pu Zakunga Building  
Contact - 9612165853 (2-2)

**CHHUNG TIN MAMAWH**

Puan\huikhawl, puan engchi pawh \hui thei turin kan siam thei reng e.

Gas Stove chak lo, seam-a thi, herh sak, leak, kan siam thei reng baw.

Phuan\huikhawl chhia pawh kan lei duh reng e.

Mamawh i neih chuan min han phone la, kan rawn pan mai dawn che nia.

Save rawh le - LH Chawngthu  
☎ 9612322639. (3-2)

**THLANMUAL NEWS**

☐ Ni 6.8.2013 khan Committee meeting neih a ni a, thu pawimawh tak tak an rel a, hruaitute nasa leh zuala ṭan la ṭheuh turin an inngen.

☐ Plyboard (Kuang tur) pheh 10 lei a ni a, Section-te hnenah semdarh a ni.

☐ Branch Executive Meeting-in a phalsak angin suahdur 2 lei a ni a, Sintex 3000 ltrs lei thuai tum a ni baw.

☐ An hruaitu Pu Zothanpuia, T Section-in chem hriam tak a pe a, an lawm hle.

☐ An hruaitu Pu Remsangpuia, V-Section in Thlanmual Map mawi tak leh felfai taka a siam chu lawmawm an ti hle.

☐ Veng chhung tlangval, rawlthar leh pavalaite thlan laiha tlawmngaih chhuah leh zual turin an sawm.

**CWSC VOLLEYBALL**

☐ Ni 20.8.2013 (Thawhle) zan khan meeting an nei.

☐ Ni 10-13.9.2013 chhung hian 1st Div. tournament Tuikual Indoor Stadium-ah khel tur a ni a, Team lo enkawl turin Pu Isaac Lalremruata (Lalnova) chu ruat a ni. Player practise-te ṭawiam ṭhin turin hruaitute an inngen.

☐ 2nd Div Tournament neih zawh taka player-te ei leh in tumsaktu Ni Saidingliani (V-sect) chungah lawmthu an sawi. Tin, player-te leh Coach-te inpeknaah committee chuan lawmthu a sawi baw.

☐ Hun remchang hmasa berah sum tuak nan Limbu an zuar dawn a, tlawmngaih chhuaha lo dawr ṭheuh turin chhungtinte an ngen.

**CWSC FOOTBALL**

☐ IIIrd Division ADFA Season Opening Tournament Republic Playground-a khel mekah Ni 28.8.2013 dar 9:30 hian Republic FC nen an khel dawn, Ni 31.8.2013-ah FC Venghnuai nen, Ni 4.9.2013-ah FC Young Dreamers nen an khel dawn. Point sang berin Pre-quarter final an lut ang, veng mipuite ṭawiamna an ngen e.

☐ MPL khel turin Coach thar C Chawngmingthanga hnuaiah ngawrh takin training neih meka ni.

☐ MPL khel tura an inbuatsaihna kawnga sum leh paia ṭanpuina petute chungah lawmthu an sawi.

☐ Hruaitute a hman remchang apiang player-te practise ṭawiam ṭhin turin an insawm.

**MHIP**

☐ Training Centre pahnihte kum 2013 1st Batch tawp a lo hnai ta a, September thla tawp lama exam nei turin an inpuahchah a, an ṭang tawh hle a, thiam pawh an thiam tawh hle tih in charge-te hnen aṅanga hriat a ni.

☐ Ni 20.8.2013 (Thawhle) khan Anganwadi Centre IV chu Mobile Health Team ten rawn tlawhin Doctor 2, Pharmacist 1 leh Health Worker 1 te rawn kalin naupang hriselna endik a ni a, naupang 72 en an ni a, a ṭhen a hmuna damdawi pein damdawi chawh ngaite chawh an ni a, a ṭhente chu Hospital lama en tura refer te pawh an nei baw.

☐ Ni 23.8.2013 (Ninga) zan dar 7:00 khan Local Council ten veng chhunga mawhphurhna hrang hrang nei te nen Join Meeting a ko va, he hunah hian OB te kalin vengchung thil pawimawh tak tak te ngaihtuah ho a ni.

☐ CWFC te MPL Football September-a khel tura an in hlangkai thei hi an lawmpuiin an chhuang hle a, MHIP member zawng zawng pawn neitu rilru pua ṭawiam turin an in ngen a, hemi atan a vengchung T Shirt an rawn zawrh pawh tlawmngai lo leisak zel turin an in ngen baw.

**HRIATTIRNA**

Pu Mawizuala (Vanapa Sect) in hnuaia Vanapa Section YMA ṭhutthleng dah khawm chu tlangval ṭhenkhatin an lo hmangin an lo dah darh ṭhin tih hriat a ni a, hetiang mahni thua lo khawih sawn tawh lo turin Vanapa Section YMA chuan a hriattir a. Tilui an awm chuan na taka hrem an tum.

**HRIATTIRNA**

Chanmari West vengchung kawngpui dunga inkhel ṭhinte kawng kal tan leh lirthei tan himna a lo nih theihna turin Branch YMA chuan inkhel lo turin naupang leh ṭhalaite a hriattirin a ngen a ni.

**NGENNA**

Khuangchera Section leh Neuva Section inkar luikawrah ek/Septic Tank sah ṭhin an awm a, a bul hnuaia awmte tan a rimchhiat avangin ti tawh lo turin ngen an ni.

**DROUGHT KHELH HUN SAWNA NI**

Ni 28.8.2013-a Drought Competition khel tura ruahmanna awm chu remchan zawkna avangin Ni 31.8.2013 (Inrinni) ah sawn a ni.